

Матфеин 12 бөлг.

1. Бурхна суббот өдр ирхлэ, Иисус буудя тэрсн назрар йовж йовла. Терүнэ сурһульчнр йир икэр өлсцхэв. Тегэд эдн буудян толһас таслад идцхэв.
2. Фарисеймуд энүг үзэд Терүнд келв: «Чини сурһульчнр Бурхна суббот өдрлэ кех зөв уга юм кежэнэ.»
3. Иисус теднд хэрү өгв: «Давид болн терүнлэ бээсн улс өлсхлэрн ю кесинь тадн умшсн угавт?
4. Давид Бурхна герт орад, Бурхна өмн тэвсн өдмг теднлэ хуваһад идж. Бурхна өмн тэвсн өдмг Давид чигн, өөрнь бээсн эмтн идх зөв уга билэ. Тер өдмг һанцхн эрүн Бурхна улс идх зөвтэ бээсмн.
5. Тадн Заканд иигж бичтэһиннь умшсн угавт? Бурхна суббот өдр болһн эрүн улс сүмд Бурхна суббот өдриг эвдвчн, тедниг бурушахш.
6. Зуг таднд келжэнэв, энд Бээснь Иерусалимин сүмэс ончта болн ачта.
7. Бэрц биш, хээрлт суржанаб «гисн үгмүдин чинринь медсн болхла, тадн буру уга улсиг гемншго билэт.
8. Күмни Көвүн Бурхна суббот өдрин Деед Эзн болжана.»
9. Тендэс һарад, Иисус синагогд орв.
10. Тенд хагсу һарта күн бээж. Иисусиг гемшэхин төлэ сурж: «Бурхна суббот өдрлэ кү эдгэж болхий?»
11. Тер теднд хэрү өгв: «Кен таднас бээсн һанцхн хөөһән Бурхна суббот өдрлэ нүкнд унхла, терүг нүкнэс татж авлго бээхий?
12. Күн болхла кедү дэжж хөөнэс деер! Тегэд Бурхна суббот өдрлэ сән болн цаһан саната йовдлмуд кеж болхмн.»
13. Терүнэ хөөн Иисус хагсу һарта күүнд келв: «Һаран сунһ!» Тернь һаран

суңхла, харнь дарунь эдгж одв. Хойрдгч харлань эдл болв.

14. Фарисеймуд харад, хоорндан яһж Иисусин эминь таслхар күүндцхэв. Зуг Иисус терүгинь медэд, тендэс харад йовж одв.

15. Терүг дахад дала эмтн йовцхав. Иисус цуг улсиг гемэснь эдгэв.

16. «Зуг Мини тускар эмтнд бичэ келтн» - гиж Иисус закв.

17. Исаяя ээлдэчин келсинь күцхин төлэ иигж бичэтэ:

18. «Эн Мини шүүж авсн Ялч. Мини Дурта Көвүн, Мини седкл Терүнд. Эврәннь Сәкүсэн Терүн деернь тәвхв. Эн цуг келн - эмтнд зарһ зәңглх.

19. Тер зүткшго, хээкршго, кен чигн уульнцмудар Терүнэ дууһинь соңсшго.

20. Тер зарһан кетл, Терүнэ үнн орчлңгиг диилтл, эрә хуһрха хулсиг хуһлшго, уңгдсн олс унтрашго.

21. Терүнэ Нернд цуг келн-эмтн нээлх.»

22. Тиигхлэ шулмд авлгдсн, сохр болн келн уга күүг авч ирв. Иисус энүг эдгэв, эн үздг болн келдг болв.

23. Цуг эмтн алң болад келцхэв: «Эн Христос биший, Давидин көвүн?»

24. Фарисеймуд энүг соңсад келв: «Тер эрлгин чидлэр шулмсиг болн хар сәкүсиг харһна.»

25. Зуг Иисус санаһинь медэд теднд келв: «Ямаран йосн болв чигн нег-негнләнән дотран дээлдхлэ – хоосрх. Кемр ямаранчн балһсн эс гиж гер – хоорндан нег-негнләнән өшә көөхлэ, эн балһсн болн гер әңгрэд тарж одх.

26. Кемр эрлг эрлгиг көөж харһхла, тер бийнь дотрасн әңгрх. Тиигхлэ түүнә йосн әңгрж тарлго бәэхий?

27. Кемр Би эрлгин чидлэр шулмсиг көөж харһхла, тана көвүд юуһар көөж харһна? Тегэд тедн тана зарһчнр болх.

28. Кемр Би Бурхна сэкүсэри эрлгиг көөж һарһхла, танур БурхнаТеңгрин орн-  
нутг ирсень маһд уга.

29. Чидлтэ күүнэ герт кен орж зөөринь булаж авч чадх? Түрүлэд эн чидлтэ эзн  
күүг күлэд, тегэд гертк зөөринь булаж авх.

30. Намаг эс дахсн күн – Нанд дурго болжана. Нанла эс хурасн күн – тер  
таражана.

31. Тегэд таднд Би келжәнэв: «Ямаран чигн килнц, му келлһн – әмтнд тәвгдх,  
зуг Эрүн Сәкүсиг му келхлә – әмтнд тәвгдшго.»

32. Кемр ямаран чигн күн Күмни Көвүнә өмнәс буру үг келхлә, терүнә бурунь  
тәвгдх, зуг кен чигн Эрүн Сәкүснә өмнәс буру үг келхлә, терүнә бурунь ода цагт  
чигн, ирх цагт чигн тәвдшго.»

33. Ямаранчн модыг темсәри медтн: сән модд – сән темстә, му модд – му  
темстә. Юңгад гихлә ямаран чигн модн темсәри медгднә.

34. Хорта моһан үйр! Тадн хар саната бәәһәд бәәж яһж сән үг келж чадхмт?  
Күүнә зүркнд бәәсн юмн, терүнә амар һардмн.

35. Сән седклтә күн сән зөөрәсн сәенинь һарһна, му седклтә күн му седкләсн  
мууһинь һарһна.

36. Би таднд келжәнэв: «Зарһин өдр ирхлә, күн болһн ямаран чигн тус уга келсн  
үгиннь төлә тооцаһан өгх.

37. Юңгад гихлә эврәннь келсн үгәри цеврдж һархч, эс гиж эврәннь келсн үгәри  
зарһд орхич.»

38. Тиигхлә зәри дегтр бичдг улс болн фарисеймуд келв: «Багш, мадн Танас  
темдг үзүлхитн күләжәнәвидн.»

39. Иисус хәри өгв: «Хар саната, иткл уга болн хуульчлгдсн, темдг хәәжәх үйр,  
таднд Иона әәлдәчәр өгсн темдгәс даву темдг өггдшго.

40. Ион тул гидг ик захсна дотр хурвн өдр болн хурвн сө бээсн эдлэр, Күмни Көвүн бас хазрин зүркнд хурвн өдр болн хурвн сө бээх.
41. Ниневитянахн эн үйнртэ зарһд орад цаажла харһулгдх. Юңгад гихлэ тедн Иона келсн үгэр килнцэн тэвүлсмн. Зуг энд ода Бээснь Ионас деер болн ик.
42. Өмн үзгэс ирсн хатн бас эн үйнртэ зарһд орад тедниг гемшэх. Юңгад гихлэ эн хатн хол хазрас Соломона цецн үг соңсхар ирж. Зуг энд Бээсн Соломонас күчтэ болн деер.
43. Тегэд хар сәкүсн күүнэс хархларн, хагсу, усн уга хазрмудар йовад төвкнүн бээдл хээнэ, болв олж чадхш.
44. Тиигхлэ келнэ: «Би харсн эврәннь герүрн хэрү орнав.» Эврәннь гертән ирхләннь гернь сул, сәврдчксн болн хурачксн бээж.
45. Тиигхлэ тер хар сәкүсн йовад, бийэсн уурта догшн долан хар сәкүсд дахулад ирнэ. Тер күүнэ жирһл урдкаснь улм зовлңгта болн му болна. Тиим юмн эн хар саната үйнрлэ болх.»
46. Иисус әмтнлэ күүнджәсн бээж. Эн цагла Терүнэ экнь болн дүүнрнь герин өөр зогсжәсмн. Эдн Терүнлэ күүндх саната бээсмн.
47. Нег күн Иисусд келв: «Тана әктн болн дүүнртн хаза зогсжәна.Танта күүндхәр седжәнэ.»
48. Иисус келжәсн күүнд хэрү өгв: «Кен Мини әк? Мини дүүнр кемб?»
49. Дарунь сурһульчнр тал харарн зааһад келв: «Эн Мини әкм болн мини дүүнрм.»
50. Юңгад гихлэ кен Мини Теңгрин Әцкин таалнь болн келсн үгинь күцәснь, тер Нанд ахнр-дүүнрм болн әгчм болн әкм болх.

